

ՌԱՀՀԿ ԱՄՍԱԿԱՆ ԼՐԱՏՈՒ

2

Փետրվար 2010




Ռազմավարական և ազգային հետազոտությունների հայկական կենտրոն

ՌԱՀՀԿ-ի նոր ամսական լրատու

ՌԱՀՀԿ-ն անցյալ ամիս մեկնարկ տվեց նոր ամսական լրատուների շարքի: Այժմ ձեր սեղանին է ՌԱՀՀԿ-ի լրատուի երկրորդ համարը, որը համառոտակի ներկայացնում է 2010թ. փետրվարին մեր իրականացրած գործունեությունը և ծրագրերը:

ՌԱՀՀԿ-ի գործունեությունը և ծրագրերը

«ՌԱՀՀԿ-ն՝ 15 տարեկան. նոր գաղափարների ուժը»



Ռազմավարական և ազգային հետազոտությունների հայկական կենտրոնը (ՌԱՀՀԿ) փետրվարի 19-ին կազմակերպեց հատուկ ընդունելություն, որի առիթը «ՌԱՀՀԿ-ն՝ 15 տարեկան. նոր գաղափարների ուժը» վերնագրով եռալեզու Տարեգրքի լույսընծայումն է: Գրքի շնորհանդեսին ներկա էին շուրջ 100 հրավիրյալներ՝ այդ թվում Ազգային ժողովի պատգամավորներ, Կառավարության պաշտոնյաներ, ինչպես նաև ՀՀ-ում հավատարմագրված միջազգային կառույցների ու դիվանագիտական առաքելությունների ներկայացուցիչներ՝ Հայաստանում Իտալիայի դեսպան Բրունո Սկապինին, Մեծ Բրիտանիայի դեսպան Չարլզ Լոնդոնը և ԵԱՀԿ երեսնյան գրասենյակի դեսպան Սերգեյ Կապինոսը:

Մտավորապես 500 էջից բաղկացած «ՌԱՀՀԿ-ն՝ 15 տարեկան. նոր գաղափարների ուժը» Տարեգիրքը երկու տասնյակից ավելի հայերեն, անգլերեն և ռուսերեն վերլուծությունների ու հոդվածների ինքնատիպ ժողովածու է, որոնց հեղինակները հայ և օտարազգի առաջատար փորձագետներ են: Այն նաև նե-



րառում է 1991-ից մինչ օրս Հարավային Կովկասի տարածագոտու երկրներում տեղի ունեցած նշանակալի իրադարձությունների կարճաժամկետային ժամանակագրությունը և ընթերցողի դատին է հանձնում հավելյալ նյութեր՝ համապատասխան քարտեզներ, փաստաթղթեր և այլն:

«ՌԱՀՀԿ-ն՝ 15 տարեկան. նոր գաղափարների ուժը» ժողովածուն կարող էք ձեռք բերել՝ կապվելով Կենտրոնի հետ, իսկ դրա էլեկտրոնային տարբերակը ներբեռնել ՌԱՀՀԿ-ի www.acnis.am/main կայքէջից:



ՌԱՀՀԿ-ն ընդգրկվեց կրթական ծրագրում

Երեւանի՝ Եվրախորհրդի կողմից ֆինանսավորվող քաղաքագիտության դպրոցի հետ ՌԱՀՀԿ-ն ընդգրկվեց «Կոնրադ Ադենաուեր» հիմնադրամի մի ծրագրում, որի նպատակն է Հայաստանում, Ադրբեջանում և Վրաստանում պատրաստել քաղաքացիական կրթության դասատուների ինտենսիվ որակավորման նոր ծրագիր: →



← Փետրվարի 15-18-ը ՌԱՀՀԿ տնօրեն Ռիչարդ Կիրակոսյանը Թբիլիսիում մասնակցեց ծրագրային սեմինարին եւ ընտրվեց այդ ծրագրի հայաստանյան փորձագետ:



ՌԱՀՀԿ-ում հանդիպեցին Թուրքիայի առաջատար հետազոտական կենտրոններից մեկի փորձագետները



Փետրվարի 10-ին ՌԱՀՀԿ անձնակազմը, պրակտիկա անցնող ուսանողները եւ կամավորները հանդիպում ունեցան Անկարայում գտնվող՝ Թուրքիայի տնտեսական քաղաքականության հետազոտությունների հիմնադրամի (TEPAV) մի խումբ փորձագետների հետ: Հանդիպման ընթացքում TEPAV-ի տնօրեն Գյուլբեն Սաքը եւ TEPAV-ի անձնակազմից Էրոլ Թայմազը, Բուրջու Գյուլթեքին Փունսմանը եւ Մեզենեֆ Հաթանը ներկայացրին Հայաստան-Թուրքիա սահմանի տնտեսական զարգացման ծրագիրը, որը ներառում է նաեւ հայոց պատմական մայրաքաղաք Անիի վերանորոգումը:



Հանդիպման ժամանակ ՌԱՀՀԿ-ում պրակտիկա անցնող ուսանողներ Աստղիկ Աբրահամյանը, Կարինե Բաղդասարյանը, Սեւակ Հարությունյանը, Հեղինե Սիմոնյանը, Շուշանիկ Կարապետյանը, Մարիամ Պախլավունին, Լուսինե Վարդանյանը, ինչպեսեւ Կենտրոնի կամավորներից Աննա Կալենչյանը եւ Նինա Տանկուրյանը շարադրեցին հայ-թուրքական արձանագրությունների վերաբերյալ իրենց տեսակետները:

ՌԱՀՀԿ-ն անցկացրեց աշխատանքային սեմինար՝ նվիրված քաղաքական տեխնոլոգիաներին



Փետրվարի 12-ին ՌԱՀՀԿ անձնակազմի եւ պրակտիկա անցնող ուսանողների համար անցկացվեց աշխատանքային սեմինար՝ նվիրված Հայաստանում քաղաքական տեխնոլոգիաների օգտագործմանը: ՌԱՀՀԿ փորձագետ Արմինե Դազարյանը, հանրության հետ կապերի մասնագետներ Լիլիթ Սարուխանյանը եւ Աշխեն Մուշեղյանը հանդես եկան ՀՀ-ում քաղաքական տեխնոլոգիաների վերաբերյալ իրենց նկատառումներով: Իր հերթին ՌԱՀՀԿ տնօրեն Ռիչարդ Կիրակոսյանը գնահատական տվեց Հայաստանում քաղաքական քարոզարշավների ժամանակ եւ զովագրներում կիրառվող պատկերների սխալ օգտագործմանը:

ՌԱՀՀԿ-ն անցկացրեց առանց հղումների քննարկում՝ նվիրված հայաստանյան զարգացումներին

Փետրվարի 26-ին ՌԱՀՀԿ տնօրենը Հայաստանում հավատարմագրված դիվանագիտական անձնակազմի եւ միջազգային կազմակերպությունների ներկայացուցիչների մասնակցությամբ անցկացրեց առանց հղումների քննարկում՝ նվիրված Հայաստանում ներկայում ընթացող զարգացումներին: Ոչ պաշտոնական քննարկման մասնակիցների շարքում էին ՀՀ-ում Էստոնիայի դեսպան Թոմաս Լուկը, Վրաստանի դեսպան Գրեգորի Թաբատաձեն, Եվրախորհրդի գլխավոր քարտուղարի հատուկ ներկայացուցիչ Սիլվիա Չեհեն, ՄԱԿ-ի զարգացման ծրագրի հայաստանյան գրասենյակի ներկայացուցիչ տեղակալ Դրբ Բոբերգը, ԱՄՆ-ի, Մեծ Բրիտանիայի, Եգիպտոսի, Իտալիայի դեսպանությունների, ԵԱՀԿ երեսնյան գրասենյակի եւ Հայաստանում Եվրամիության խորհրդակցական խմբի ներկայացուցիչները:

ՌԱՀՀԿ-ն աջակցում է կրթությանը Հայաստանում



Կենտրոնի կողմից ՀՀ-ում կրթության զարգացմանն աջակցելու ցայտուն օրինակ էր փետրվարի 27-ին Ռիչարդ Կիրակոսյանի հանդիպումը Բրյուսովի անվան պետական լեզվաբանական համալսարանում եւ նրա՝ ԱՄՆ-ի արտաքին քաղաքականությանը նվիրված դասախոսությունը, որով տրվեց ավարտական կուրսի կիսամյակային առարկայի առաջին դասի մեկնարկը:

ՌԱՀՀԿ-ի առաջիկա հրատարակությունները

Հայացք Հայաստանի «տխրահոշակ հարուստների» ապրելակերպին



Իբրեւ աջակցություն ՀՀ-ում սոցիալ-տնտեսական անհավասարության խնդրի վերաբերյալ Համաշխարհային բանկի նոր վերլուծությանը՝ ՌԱՀՀԿ-ն պատրաստում է ունեցվածքի եւ եկամտի միջեւ հետզհետե մեծացող անջրպետին նվիրված նորարար մի վերլուծություն: Այն նաեւ կներառի Հայաստանի «տխրահոշակ հարուստների» ապրելակերպին նվիրված մի գլուխ, որը կուսումնասիրի

օլիգարխիկ գործարարության ու ձեռներեցության բնույթը, ինչպես երկրի տնտեսական գործունեությանը «ապրանքային մենաշնորհների» եւ համապատասխան այլ մենաշնորհների հասցրած վնասները:

«Հայաստանյան քաղաքականության տարեգիրք. 2010»



Կենտրոնի անձնակազմը ներգրավված է նոր հետազոտությունների նախապատրաստական փուլում: Ընթացիկ տարվա ամփոփիչ գիրքը կրում է «Հայաստանյան քաղաքականության տարեգիրք. 2010» նախնական խորագիրը: Այն նմանապես կծառայի իբրեւ կարեւոր հիմնադրյուր եւ ընթերցողների դատին կհանձնի ՀՀ քաղաքականության բոլոր դիտանկյուններն արծարծող հարուստ տեղեկանյութ եւ վերլուծություններ:

«Անվտանգության եւ ռազմական հետազոտություններ»



ՌԱՀՀԿ-ը պատրաստում է անվտանգության եւ ռազմական հետազոտությունների թեմայով զեկույցների՝ ուսումնասիրությունների ու հոդվածների նոր շարք՝ կիզակետում ունենալով Հայաստանի ազգային անվտանգության եւ ռազմական բարեփոխումների խնդրին վերաբերող կարեւոր հարցեր:

Ձեկույցների այս ուրույն եւ գործընկերների կողմից վերանայված շարքը, որում կընդգրկվեն միջազգային եւ հայ փորձագետների վերլուծությունները, կհրատարակվի երեք լեզվով՝ հայերեն, անգլերեն եւ ռուսերեն: Այն հավակնում է բեմահարթակ դառնալ ինչպես տարածաշրջանային ու միջազգային անվտանգության հարցերին, ռազմական ստրատեգիային, ռազմարվեստին եւ ռազմագիտությանը, այնպես էլ ՀՀ ազգային անվտանգությանը եւ պաշտպանական քաղաքականությանը վերաբերող այլ նշանակալից թեմաների քննարկման համար:

● **ՉԼՄ-ների հետ հարաբերությունները**



Ռ-իչարդ Կիրակոսյանը ներկայացրեց հայ-թուրքական դիվանագիտությանն առնչվող թարմ տեղեկություններ, ըստ որոնց՝ իրավիճակը լուրջ է



Փետրվարի 4-ին ՌԱՀՀԿ տնօրենը «Հայացք» ակուսմբում տեղի ունեցած մամուլի ասուլիսի ժամանակ քննադատաբար գնահատեց թուրք-հայկական դիվանագիտության ներկա վիճակը: Կիրակոսյանի պնդմամբ՝ Թուրքիայի «քաղաքական կեցվածքի ու Հայաստանի վրա ճնշում գործադրելու փորձի» առումով հայ-թուրքական դիվանագիտության իրա-

վիճակը լուրջ է: (Ամբողջական տեքստի համար կարող եք այցելել ՌԱՀՀԿ-ի՝ www.acnis.am կայքէջ):

TODAY'S ZAMAN


Փետրվարի 6-ին Ռ-իչարդ Կիրակոսյանը հարցազրույց տվեց թուրքական «Չաման» օրաթերթի թղթակից Սերվեթ Յանաթմային՝ կարծիք հայտնելով, որ ՀՀ սահմանադրական դատարանի վերջերս ընդունած վճռի հանդեպ Թուրքիայի անհանգստությունն ու անվստահությունը կարող է բուժերանգի ազդեցություն ունենալ: «Եթե ՀՀ ՄԴ որոշման պատճառով Անկարայի եւ Երեւանի միջեւ հարաբերությունների վերականգմանն ուղղված ջանքերն անհաջողության մատնվեն, ապա Թուրքիան է, որ կկորցնի իր հանդեպ վստահությունը», - «Չամանին» ասել է նա:

Մամուլի ասուլիս՝ նվիրված ՌԱՀՀԿ-ի նոր Տարեգրքի լույսընծայմանը



Փետրվարի 24-ին «Դե ֆակտո» ակուսմբում տեղի ունեցած մամուլի ասուլիսի գլխավոր առիթը «ՌԱՀՀԿ-ն՝ 15 տարեկան. նոր գաղափարների ուժը» վերտառությամբ Կենտրոնի նոր Տարեգիրքն էր: Լրագրողների հետ հանդիպմանը ՌԱՀՀԿ տնօրեն Ռ-իչարդ Կիրակոսյանը, ավագ փորձագետ Մանվել Սարգսյանը եւ փորձագետ Արմինե Դազարյանը համառոտակի ներկայացրին ժողովածուի բովանդակությունը՝ նշելով, որ նրա առաքելությունը հանրային իրազեկման բարձրացման եւ Հայաստանի առջեւ ծառայած ռազմավարական մարտահրավերների շուրջ համագալստի բանավեճի ընդլայնումն ու խորացումն է:

Հավելյալ տեղեկություն մեր մասին



Ռ-ազմավարական եւ ազգային հետազոտությունների հայկական կենտրոնը 1994թ. հիմնադրել է ՀՀ առաջին արտգործնախարար Բաֆֆի Կ. Հովհաննիսյանը՝ արժանանալով հայաստանյան եւ Սփյուռքի աջակիցների լայն շրջանակների գորակցությանը:

Հետեւելով համաշխարհային զարգացումներին, գիտելիքների հիմքեր խարսխելով, հանրության հետ երկխոսություն ծավալելով՝ Կենտրոնը հետխորհրդային տիրույթում հանդես է գալիս որպես երկրաքաղաքական ստեղծագործական մտածողություն ձեւավորող եւ միջազգային միջավայրի համապարփակ ընկալմանը նպաստող ուժ: Վերջին շրջանում Կենտրոնն առաջնահերթ տեղ է հատկացնում տարածաշրջանային անվտանգության ու համագործակցության, քաղաքացիական կրթության, պետության եւ ազգի համար վճռորոշ՝ ներքին ու արտաքին քաղաքականությունների կիրառական հետազոտությանը:

Լրացուցիչ տեղեկությունների համար կարող եք դիմել ՌԱՀՀԿ՝ Երեւան, Երզնկյան 75, հեռախոս՝ (37410) 528-780 կամ 274-818, հեռապատճեն՝ (37410) 52-48-46, էլ. փոստ՝ root@acnis.am եւ info@acnis.am, կայքէջ՝ www.acnis.am: